

小學組

△變身 sequence：穿校服的小健小康變身成為穿戰衣的健康雙俠。

△電腦螢幕上顯示的網絡世界地圖閃着三個警告標誌，分別寫着暴力王、淫魔、不良怪。

波：健康雙俠，準備好未？

健、康：準備好！

波：量子化傳輸，立即啟動！

△健康雙俠被縮小 beam 進網絡世界，螢幕上出現二人標誌。波比博士對咪講話。

網絡世界

波：（背景）我已經將你哋傳送到網絡世界入面，仲幫你預備咗最高階嘅裝備。

△小健手上出現正能量劍，小康心口出現真理之眼頸鏈。

波：小健，你手上嘅係正能量劍，小康，你心口掛住嘅係真理之眼，喺危急關頭會幫你哋擊退敵人。時間緊迫，你哋立即出發啦！

健、康：健康雙俠，出發！

△螢幕上的二人接近不良怪所在位置，訊號突然受干擾。

幻術森林

△四周煙霧離漫，森林有一股將人吸引進入的強大拉力。

健：呢度.....唔通就係不良怪嘅幻術陷阱！？

康：小心啊！入咗去會令人神智不清，迷失方向。我哋要憑著堅定嘅意志，堅守本心，來抵禦佢嘅幻術！

△兩人閉上眼睛，制止了森林的誘惑。

不：點解你哋唔怕我嘅幻術嘅？

康：不良怪，你終於現身啦！我要用《淫褻及不雅物品管制條例》將你淨化！

△小康張開真理之眼，發射出淨化之光將不良怪的不良思想清除，不良怪變回了善良怪。

△螢幕上的不良怪警號熄滅，善良怪引領雙俠到淫魔的所在地。

迷宮

健、康：（望向桌上的迷宮模型）係迷宮？

淫：你地入嚟做我嘅白老鼠啦！呵呵呵！

△淫將二人縮小，二人掉到迷宮裏。相對巨大的淫魔在二人頭頂上出現奸笑。

健：（有自信）我哋係唔會怕你嘅！正能量劍（出鞘），靠晒你啦！

△正能量劍飛上半空引領二人出迷宮，雙俠變回原來大小。

淫：點解咁嘅？！你哋居然破咗我呢個精心設計嘅迷宮！呀！！！！（慘叫一聲）

△白光

康：（掩嘴笑）消除咗佢嘅淫穢思想，佢依家應該變返左做純潔天使。

純：對唔住呀大家！我知錯啦！我依家就去將之前捉左嘅人放返出嚟！

△大家正滿心歡喜，突然狂風四起，天地色變，暴力王破開大地冒出來。

康：暴力王所設嘅陷阱就係網絡界最血腥嘅擂台戰，無數戰敗者已經被佢打到不似人形.....

暴：暴力！！！！

△小健奮力揮劍仍不敵暴力王，在身陷險境之際，小康、其餘被拯救的人和怪加入支持小健。

善良怪、純潔天使：要打敗暴力王，唯有團結我們的力量！

眾：好！我們都出一分力！我哋以《淫褻及不雅物品管制條例》將你淨化！！！！

△暴力王被打敗，變成毅力王。

毅：我唔再使用網上暴力喇！

完成任務，拯救了大家！眾人輕鬆笑，健收劍，雙俠跳起 high five。

完。